

2. gr.

Á eftir 1. mgr. 35. gr. komi tvær nýjar málsgreinar, svohljóðandi:

Skilyrði til próftöku er að umsækjandi:

- a) hafi ekki á undanförunum 12 mánuðum verið án ökuskráteinis vegna ökuleyfissviptingar, gerst brotlegur við ákvæði um neyslu eða meðferð áfengra drykkja, eða verið refsað fyrir vítaverkað aksturshætti, og
 - b) hafi óflekkað mannorð, ef um er að ræða réttindi til farþegaflutninga í atvinnuskyni.
- Leita skal álits viðkomandi lögreglustjóra, sbr. 1. gr., á því hvort umsækjandi fullnægi skilyrðum til próftöku, sbr. 5. og 6. gr.

3. gr.

Reglugerð þessi, sem sett er samkvæmt umferðarlögum nr. 40 23. apríl 1968, öðlast þegar gildi.

Dóms- og kirkjumálaráðuneytið, 31. október 1986.

Jón Helgason.

Ólafur W. Stefánsson.

REGLUR**Frímerkja- og póstsögusjóðs.**

1. gr.

Sjóðurinn heitir Frímerkja- og póstsögusjóður, og er í vörslu Póst- og símamálastofnunar. Heimili hans og varnarþing er í Reykjavík.

2. gr.

Tilgangur sjóðsins er að efla og styrkja störf og rannsóknir á sviði frímerkjafræða og póstsögu og hvers konar kynningar- og fræðslustarfsemi til örvunar á frímerkjasöfnun, svo sem með bóka- og blaðaútgáfu. Eins skal sjóðurinn styrkja sýningar og minjasöfn, sem tengjast frímerkjum og póstsögu.

3. gr.

Stofnfé sjóðsins er andvirði yfirverðs smáarkar sem gefin var út 9. október 1986.

4. gr.

Tekjur sjóðsins eru sem hér segir:

- a) Andvirði yfirverðs frímerkja, smáarka o. s. frv., sem sérstaklega verða gefin út í þessu skyni.
- b) Gjafir og framlög.
- c) Vextir af stofnfé og öðru fé sem sjóðnum áskotnast.

5. gr.

Samgönguráðherra skipar fimm menn í stjórn sjóðsins og þrjá til vara til fjögurra ára í senn. Skulu tveir tilnefndir af póst- og símamálastjóra ásamt einum varamanni. Landssamband íslenskra frímerkjasafnara tilnefnir tvo menn í stjórnina ásamt einum varamanni. Samgönguráðherra skipar oddamann og varamann án tilnefningar. Stjórnin skiptir með sér verkum. Endurskoðendur skulu vera tveir, aðalendurskoðandi Póst- og símamálastofnunar eða sá, sem hann kann að tilnefna í sinn stað og hinn, tilnefndur af Landssambandi íslenskra frímerkjasafnara til fjögurra ára í senn.

6. gr.

Stjórnarfiðir skulu haldnir eftir þörfum. Varamenn hafa rétt til fundarsetu með tillögurétt og málfrelsi. Samþykktir stjórnar eru því aðeins lögmætar, að hún sé fullskipuð. Afl atkvæða ræður úrslitum. Halda skal fundargerðabók. Stjórnin er ólaunuð.

7. gr.

Stjórnin veitir styrki þegar hún telur henta annað hvort samkvæmt umsóknum eða að eigin frumkvæði. Umsóknir skulu vera skriflegar og þeim fylgja ítarleg greinagerð um í hvaða skyni sótt er um styrk. Styrki má veita félagasamtökum, einstaklingum og stofnunum.

8. gr.

Stjórn sjóðsins gerir árlega reikninga yfir tekjur hans og gjöld. Reikningsárið er almanaksárið. Reikningar skulu lagðir fyrir endurskoðendur eigi síðar en 15. febrúar ár hvert.

Endurskoðun skal lokið fyrir 15. mars ár hvert.

9. gr.

Stjórn sjóðsins ákveður hvernig hann skuli ávaxtaður.

Samgönguráðuneytið, 29. október 1986.

Matthías Bjarnason.

Halldór S. Kristjánsson.

REGLUGERÐ

um aflamark helstu botnfisktegunda 1987.

1. gr.

Með vísan til 1. gr. laga nr. 97 20. desember 1985 um stjórn botnfiskveiða 1986—1987, skulu heimildir til botnfiskveiða við Ísland árið 1987 miðast við eftirgreint aflamark:

1. Þorskur: 330 þús. lestir
2. Ýsa: 60 þús. lestir
3. Ufsi: 70 þús. lestir
4. Karfi: 95 þús. lestir
5. Grálúða: 30 þús. lestir

Ráðherra er heimilt innan ársins að breyta ákvörðun um aflamark samkv. 1. mgr. enda sé sú ákvörðun tekin fyrir 15. apríl 1987.

2. gr.

Reglugerð þessi er sett samkvæmt 1. gr. laga nr. 97 20. des. 1985 um stjórn botnfiskveiða 1986—1987 til þess að öðlast þegar gildi og birtist til eftirbreytni öllum þeim sem hlut eiga að máli.

Sjávarútvegsráðuneytið, 30. október 1986.

Halldór Ásgrímsson.

Árni Kolbeinsson.